

အပိတပိတ
AWIG-AWIG
ဒေသအထွေထွေ
DESA ADAT PANCINGAN

နယ်မြေအုပ်ချုပ်ရေး
KECAMATAN DAWAN
အကျွန်ုပ်တို့
KABUPATEN KLUNGKUNG
ဂျပန်ကျွန်းပြည်
PROVINSI BALI

PIDAGING

AWIG-AWIG DESA ADAT PANCINGAN

PIDAGING	i
MURDHA CITTA	1
PRATAMA SARGAH ARAN LAN WEWIDANGAN DESA ADAT.....	2
DWITYA SARGAH PAMIKUKUH LAN PATITIS	2
TRITYAS SARGAH SUKERTA TATA ADAT	3
Palet 1 Indik Krama	3
Palet 2 Indik Prajuru Desa	9
Palet 3 Indik Kulku	13
Palet 4 Indik Paruman	14
Palet 5 Indik druwen Desa	16
Palet 6 Indik Sukerta Pamitegep	17
Kaping 1 Karang lan Tegal	17
Kaping 2 Kakayoran	19
Kaping 3 Indik Wawangunan	21
Kaping 4 Indik Wawalungan	22
Kaping 5 Indik Baya lan Dusta	23

CATURTHAS SARGAH	SUKERTA TATA AGAMA	25
	Palet 1 Indik Dewa Yadnya	25
	Palet 2 Indik Rsi Yadnya	31
	Palet 3 Indik Pitra Yadnya	32
	Palet 4 Indik Manusa Yadnya	35
	Palet 5 Indik Bhuta Yadnya	36
PANCAMAS SARGAH	SUKERTA TATA PAWONGAN	37
	Palet 1 Indik Pawiwahan	37
	Palet 2 Indik Nyapian	41
	Palet 3 Indik Sentana	43
	Palet 4 Indik Warisan	45
SATHAS SARGAH	WICARA LAN PAMIDANDA	49
	Palet 1 Indik Wicara	49
	Palet 2 Indik Pamidanda	50
SAPTAMAS SARGAH	NGUWAH-NGUWUHIN AWIG-AWIG	53
ASTAMAS SARGAH	SAMAPTA	53

1
MURDHA CITTA

Om Swastyastu,

Om Awighnam Astu Nama Sidham.

Maduluran antuk manah ning nirmala saha malarapan asung kertha wara nugrahan Ida Sang Hyang Widhi Wasa majeng para krama Desa Adat Pancingan, Desa Kusamba, Kecamatan Dawan, Kabupaten Klungkung, Awig-Awig Desa Adat Pancingan sampun kasungkemin ring jeroning adung patemoning krama ritatkala ngawijilang tata cara sane kasurat mawasta Awig-awig, tan lempas saking Catur Dresta minakadi Sastra Dresta, Purwa Dresta, Loka Dresta lan Desa Dresta.

Awig-awig puniki pinaka pamikukuh utawi uger-uger sajeroning ngamargiang lan midabdabin kalih nyanggra kasukertan krama warga Desa Adat Pancingan rawuhing jagat kabeh.

Sejabaning dharma ngerajegang Sang Hyang Aji Agama, Awig-Awig Desa Adat Pancingan taler kapikukuhin antuk Pancasila, Undang-Undang Dasar 1945, muang sahananing uger-uger sane kawedar antuk Guru Wisesa.

Pinaka putusing paseban krama Adat Pancingan, dumogi prasida ngamoliang prayojana ring sajeroning Tri Kaya muang Tri Hita Karana saha para krama mangda ngarajegang pamargi kadi daging awig-awig puniki.

Om Santih, Santih, Santih Om

PRATAMA SARGAH

ARAN LAN WAWIDANGAN DESA ADAT

Pawos 1

- (1) Desa adat puniki mawasta Desa Adat Pancingan.
- (2) Jebar kakuwub wawidangan mawates nyatur :
 - ha. Kangin sisi kauh Desa Adat Bias
 - na. Kauh sisi kangin Desa Adat Kusamba
 - ca. Kaler sisi kelod Jalan Candigara
 - ra. Kelod tepi kaler pasisi sagara (Selat Badung)
- (3) Desa Adat Pancingan kawangun olih gebogan krama lan warga matunggalan Banjar Adat Pancingan lan ngalinggihin karang desa miwah karang guna kaya.

DWITYA SARGAH

PAMIKUKUH LAN PATITIS

Pawos 2

Desa Adat Pancingan ngamanggehang pamikukuh:

ha. Pancasila

na. Undang – Undang Dasar 1945

ca. Tri Hita Karana manut tata cara Agama Hindu

Pawos 3

Patitis Desa Adat Pancingan puniki luwir ipun :

ha. Mikukuhin miwah ngarajegang Agama Hindu

na. Ngutamayang tata prawertining adat lan agama

ca. Ngarajegang kasukertan desa saha pawongan sekala niskala.

TRITYAS SARGAH

SUKERTA TATA ADAT

Palet 1

Indik Krama

Pawos 4

(1) Krama Desa Adat Pancingan inggih punika, warga sane munggah ring bacakan Banjar Adat Pancingan lan Desa Adat Pancingan.

(2) Warga Desa Adat Pancingan inggih punika, krama rauhing angga kulawargan nyane.

- (3) Tamiu Desa Adat Pancingan inggih punika satunggil jana sateos krama lan warga Desa Adat Pancingan sane ngranjing utawi jumenek ring jeroning wawidangan Desa Adat Pancingan.

Pawos 5

- (1) Angga Sabha Yowana inggih punika anak-anaking krama Banjar Adat utawi Desa Adat Pancingan sane sampun mayusa 16 rauh 35 warsa tur durung alaki rabi.
- (2) Sabha Yowana sajaba kenter olih kelihan nyane, taler katuntun olih prajuru banjar rauhing prajuru desa.

Pawos 6

Krama Desa Adat Pancingan manut tategenan, kapalih manados :

- ha. Krama ngarep, inggih punika krama sane sampun jangkep ngamargiang sasana tur matetegenan weweg
- na. Krama patus balu inggih punika, krama sane katinggal olih pajangkepan nyane utawi krama sane mawit sakeng sundulan anak nyane arirang, matetegenan wantah abaluan.
- ca. Krama balu angkep inggih punika krama balu luh sane kajangkepin oka lanangne sampun antes ngamarginin ayah-ayah krama, krama balu lanang krama sane kajangkepin oka istrine sampun antes ngamarginin ayah-ayah krama, tur matetegenan weweg.

- ra. Krama bulangkep inggih punika warga lanang lan istri sane sampun antes ngamarginin ayah-ayah krama rihantuk katinggal guru rupakan nyane. Krama puniki matetegenan weweg.
- ka. Krama tapukan inggih punika krama sane mawit sakeng anaking krama kantun durung antes ngamarginin ayah-ayah riantuk katinggal oleh raraman nyane, tur tan matetegenan.
- da. Krama nyada inggih punika krama sane sampun mayusa 60 rauh 70 warsa, luput ayah-ayah, sakemawon pamedalan arta brana patut keni.
- ta. Krama nekel inggih punika krama sane sampun mayusa 70 warsa langkung, tur puluk luput tategenan.
- sa. Krama mlaga inggih punika krama sane malinggih ring dura kabupaten utawi ring selat segara, sahananin ayah-ayah kawilangin antuk jinah manut pararem, peson-peson patch ring krama tiosan.

Pawos 7

Panamaya tedun makrama Desa :

- ha. Warga kapurusa sane alaki rabi tedun makrama nepek ring paruman Buda Kliwon.
- na. Warga kapurusa sane alaki rabi riinan maswadarma nyundul, sane alaki rabi salantur nyane tedun anyar.
- ca. Warga dura desa adat Pancingan sane tedun makrama ring desa adat Pancingan katedunang risampun tegep gaguat ilikita lan panyeleh tur kadambyakan ring paruman Buda Kliwon.

ra. Tamiu maagama Hindu alaki rabi sampun asasih wuku jumenek ring Desa Adat Pancingan, patut kaselehin olih prajuru banjar.

Pawos 8

Swadharmaning Krama lan Warga Desa :

- ha. Tan maren astiti bhakti ring desa
- na. Ngarajegang tur satinut ring sadaging awig-awig lan pararem desa.
- ca. Ngutsahayang, ngarajegang saha nyungkemin pasukertan Desa Adat Pancingan.
- ra. Ngamargiang sahananing pituduh Guru Wisesa lan prajuru desa manut awig-awig kalih pararem desa.

Pawos 9

- (1) Krama utawi warga Desa sane ngraksa tamiu jantos marerepan patut mangda masadok ring kelihan Banjar, tan kasepan ring awengi.
- (2) Swadharmaning tamiu patut satinut ring pamargin Awig-awig lan pararem sane kamanggehang ring Desa Adat Pancingan
- (3) Tamiu sane madunungan majalaran antuk sungkan mabuat ngarereh tamba, tan keni urah-arih.
- (4) Tamiu sane sampun nganutin pamargi molihang pengayoman saking banjar wiadin desa.

- (5) Tamiu madunungan sane malaksana kawon, krama sane kadunungan patut negenang pamidandan nyane.

Pawos '10

- (1) Pamargin krama sane magingsir utawi wusan makrama :
- ha. Sadurung magingsir utawi wusan patut muputang urah-arih paiketannyane ring banjar.
 - na. Polih ilikita pastika saking Kelihan Banjar saha kaateh antuk Kelihan Banjar ngungsi banjar sane katuju.
 - ca. Kasadokang majeng Bendesa Adat.
 - ra. Krama dados magingsir mabanjar, inggihan majalaran antuk ngayahang karang ring wawengkon banjar sane kaungsi utawi maduwe guna kaya. .
 - ka. Warga sane ngayahang karang desa patut makrama ring Banjar Pancingan.
 - da. Warga dura desa sane ngalinggihin karang guna kaya ring Desa Adat Pancingan kangkat makrama manut pikarsa tur nginutin gaguat.

Pawos 11

- (1) Wusan makrama sangkaning :
- ha. Matilar;

na. Kausanang.

ca. Magingsir

ra. Putung

- (2) Krama sane kausanang, ngawit saking pamutus paruman prajuru banjar lan prajuru desa, pamutus inucap kadauhang majeng sang kausanang.
- (3) Sang wusan makrama tan polih pah-pahan.

Pawos 12

- (1) Krama wusannyane sangkaning rahayu prade mawali patut katerima manut pararem.
- (2) Krama wusannyane sangkaning kawusanang, prade mawali makrama patut nawur panutug manut pararem, lan nunas pangampura ring paruman.

Pawos 13

Swadikara Warga Desa Adat Pancingan:

- ha. Molihang pangayoman nganinin kerahajengan pawongan mwanng padruwenyane olih prajuru lan krama
- na. Molihang pitulung rikala katiben bhaya, pakewuh wiadin kaduhkitan, taler rikala madrebe karya abot, pamekas rikala nangun yadnya.
- ca. Nyarengin paruman desa lan banjar tur sareng mastikayang daging pamutus paruman.

ra. Nyudi lan kasudi prajuru mwanng sane siosan manut pabuat.

ka. Mlaga

da. Molihang pawangkidan rikala :

- Katiben sungkan utawi bhaya, kasedaan sinalih tunggil ulawargannyane.
- Ngamargiang yadnya sane kantos ngaturin krama.
- Ngarawuhin undangan saking sinalih tunggil krama utawi kadura desa.
- Ngamargiang titah Guru Wisesa.
- Nglaksanayang yadnya sinarengan ring yadnya sane kalaksanayang ring Desa.

Pawos 14

(1) Sane kangkat polih laluputan papeson inggih punika :

ha. Mangku Desa

ha. Prajuru desa, Prajuru banjar

ca. Krama desa sane kasudi olih prajuru desa ngarombo karya desa manut swadharmaning sang polih laluputan.

Palet 2

Indik Prajuru Desa

Pawos 15

- (1) Desa Adat Pancingan kaenter olih Bendesa Adat tur karampih olih :
 - ha. Patajuh
 - na. Penyarikan
 - ca. Patengen
 - ra. Kelihan Banjar
 - ka. Kasinoman
 - da. Pacalang
- (2) Prajuru Desa Adat kategepin utawi karombo olih Sabha Desa lan Kertha Desa.
- (3) Banjar kaenter olih klihan banjar
- (4) Ngeninin ring paindakan urah-arih Sabha Desa lan Kertha Desa manut pararem.

Pawos 16

- (1) Sane kangkat kasudi dados prajuru desa wantah warga sane sampun makrama desa.
- (2) Sadurung sasudian, kamargiang sang jaga kasudi patut katitenin olih kelihan banjar.
- (3) Prajuru desa kasudi olih krama desa sajeroning paruman desa.
- (4) Pamargin panyudianne manut ilikita wiadin manut pararem.
- (5) Prajuru banjar kasudi olih krama banjar lan pamargin panyudiannyane manut pararem krama Banjar Pancingan.

Pawos 17

Waneng dados prajuru desa wiadin banjar sakadi ring sor :

- ha. Prajuru desa lan prajuru banjar ngaturang ayah mawaneng limang warsa sasih ngawit kaadegang
- na. Yening sampun puput sengker limang warsa, prajuru desa lan banjar patut ngawedarang pacang kawentenang sasudian malih.
- ca. Prajuru desa lan prajuru banjar sane sampun puput sengker kadadosang kaadegang malih apisan.

Pawos 18

Swadharmaning prajuru desa luire :

- ha. Ngenter krama desa ngamargiang swadharmaning krama manut daging awig-awig lan pararem.
- na. Niwakang pamutus wiadin pawirasan marep ring wicaran krama desa manut daging awig-awig.
- ca. Ngenterang sehananing yadnya ring desa.
- ra. Pinaka dhuta ritatkala wenten uleman.

Pawos 19

Swadharmaning Prajuru Banjar luire :

မိဟူမူ

- (2) Ngentosin wiadin ngararyanang prajuru patut kamargiang sajeron
paruman desa utawi paruman banjar.

Palet 3

Indik Kukul

Pawos 22

- (1) Kukul sane wenten ring wawidangan Desa Adat Pancingan:
- ha. Kukul Banjar
 - na. Kukul Shaba Yowana
 - ca. Kukul Sekaa Gong
 - ra. Kukul Pura
- (2) Suaran kukul kasinanggeh tatenger ring desa, banjar, pura lan sekaa-seka
satmaka dadauhan saking prajuru majeng kramane.
- (3) Pamargi sane patut macihna suaran kukul:
- ha. Pacang ngelaksanayang paparuman.
 - na. Pacang tedun makarya
 - ca. Jagi mapitulung ring sang madrebe kasedaan
 - ra. Ritakala wenten krama keni baya

ရတနာပူ

၁၅/၅/၂၀၂၀

Awig-Awig Desa Adat Pancingan

25/12/2020

- (1) Bendesa Adat wenang marumang prajuru desa adat, prajuru banjar miwah para mangku, sajeroning matatimbang ritatkala pacang wenten karya ring Desa Adat sane pacang kasanggra krama desa sami.
- (2) Paruman Desa Adat Pancingan kamargiang sanistanyane nem sasih apisan utawi manut pabuat.
- (3) Pamilet paruman Desa Adat mangda ngangge busana manut tata cara sane sampun ketah sekadi busana adat alit.
- (4) Paruman prajuru Desa Adat prasida kalaksanayang yening sampun karawuhin antuk sanistanyane atenge lintang adiri saking akeh prajuru desa.
- (5) Paruman banjar prasida kalaksanayang yening sampun karawuhin olih sanistanyane atenge lintang adiri saking akeh krama banjar.

Pawos 24

- (1) Ring paruman desa wiadin banjar, prajuru desa wiadin prajuru banjar patut nambyakang :
 - ha. Munjuk lungsuring krama muang ayah-ayahan
 - na. Saluiring artha brana druwen desa wiadin banjar
 - ca. Pamargin karya sane sampun kapuputang
 - ra. Sahananing wicara sane sampun polih pamutus utawi sane durung putus
 - ka. Pidabdab prajuru ngenenin usaha kapungkur

- (2) Sajeroning mutusang pabawosan ring paruman, patut kadasarin kayun gilik saguluk lan ingkup.

Palet 5

Indik Druwen Desa

Pawos 25

- (1) Druwen Desa Adat Pancingan inggih punika :
- ha. Pura wiadin Kahyangan Desa minakadi ;
 - Pura Segara
 - Pura Dalem
 - Pura Prajapati (Kadruwe sareng Desa Adat Tri Buana, Bias)
 - Pura Puseh
 - na. Bale Banjar sapisanan pinaka bale desa adat
 - ca. Karang utawi tanah ayahan desa (AYDS)
 - ra. Setra sane kamanggehang manut dresta (Kadruwe sareng Desa Adat Tri Buana, Bias)
 - ka Laba Pura Dalem
 - da. LPD (Labda Pacingkremen Desa)
 - ta. Druwen desa siosan sane kapikolihang salantur ipun.

(2) Olih-olihan Desa Adat Pancingan:

ha. Laba pura lan LPD

na. Urunan Krama Desa Adat

ca. Wantuan Guru Wisesa

ra. Olih-olihan tiosan sane patut

Pawos 26

- (1) Sahananing druwen desa patut kapiara olih warga desa
- (2) Sahananing druwen desa patut kapastikayang antuk ilikita
- (3) Saurah-arih ngenenin LPD, kaungghang ring lepihan ilikita pararem Desa Adat Pancingan.
- (4) Druwen Desa sakadi Pura Segara, pura Puseh lan Pura Dalem, ritatkala petirtaan patut kasanggra Krama utawi warga Desa Adat Pancingan.

Palet 6

Indik Sukerta Pamitegep

Kaping 1

Karang lan Tegal

Pawos 27

- (1) Sakaluring karang paumahan miwah teba patut mawates antuk tembok sanistane pagehan.
- (2) Wates sisi luan patut kakaryanin tur kapiara olih sang madruwe karang
- (3) Wates nglikadin dados nganggen pinget kewanten, kasaksinin olih prajuru banjar.
- (4) Watesane sane majeng kamargine patut katembok wiadin kapagehin mangda kawentenan nyane renes miwah asri.
- (5) Sinalih tunggil krama utawi warga desa sane ngiid tanah, kangkat kantos adepa agung (1,75 meter) saking wates karang panyandinge.
- (6) Karang kabebeng kautsahayang wenten margi sane katuntun olih prajuru.

Pawos 28

- (1) Tan kapatutang wenten toya mawit saking blembeng, pwaregan, kamar mandi miwah sane siosan ka pakarangan anak lian, ka margine, ka rurungelan ka tukade, sateos toya sabeh.
- (2) Sahananin leluhu sakaluir ipun mangda puput ring pakarangan ngraga sajabaning desa Adat sampun maduwe genah ngutang laluhu.
- (3) Jadma miyegan utawi mayudha kantos ngalabuhang rah wiadin padem ring wawengkon Desa Adat Pancingan kapatutan ipun utawi kulawargan ipun mrayascita genah.

Pawos 29

- (1) Sapasira ugi nenten dados nglahlah tanah pekarangan, tegal padreben anak siosan, napi malih sane kantun kadruwe desa
- (2) Nanggap lan matimbang karang ayahan desa kapidabdabin sakadi ring sor :
 - ha. Karang desa sane sampun katanggap tur kaayahang olih krama desa patut kagenahin olih sang ngayahang.
 - na. Karang ayahan sane tan kagenahin tan katanggap tur tan wenten sane ngayahang kadruwenang desa.
 - ca. Krama ngarep sane pacang matimbang karang patut polih uwakan saking warisnyane tur kasaksinin olih prajuru desa.
 - ra. Krama desa tan dados matimbang napi malih ngadol karang ayahan desa.

Kaping 2

Indik Kakayonan

Pawos 30

- (1) Matanduran tanem tuwuh sane pacang dados ageng patut sanistania adhepa agung (1,75 meter) ngajeroang saking wates karang.
- (2) Tanem tuwuh sane ngrerebin utawi kasinanggeh pacang mayanin wenang kawara, madasar paigum sane becik mangda kakayonan punika digelis kaentebin wiadin karebah.

g nerbenan tanem tuwuh utawi kakayonan sane sampun kawara tan
 nut utawi tan wenten usaha nagingin pinunas sang ngwara, sane rumasa
 ih pacang kabayanin, patut nyadokang ring prajuru banjar wiadin desa.
 rwaning pura, saluiring umah ring pabianan tan dados ngamargiang
 gepet (nundung) duaning sane mawasta umah kabawos tan patut
 genah ring abian.

bean mungkatang taru kasandangin antuk sane ngepet, nanging
 aluiring taru sane sampun kaepet katiba ring sang nrebenang.

iem tuwuh sane wenang kaepet sakadi ring sor :

Tumbuh nyane kirang ring adhepa agung saking wates utawi tembok
 sang ngepet.

Taru sane karasayang pacang ngarauhang baya manut panarka saking
 prajuru banjar wiadin desa yadiastun tumbuh langkung ring adhepa
 agung saking tembok pakarangan.

ning wenten wit taru ngrubuhin papayon, pura miwah sane siosan, taru
 e pungkut patut katiba ring sang nrebenang papayon sane keni
 ebahin.

ning wenten krama ngepet wiadin munggul taru kantos ngametuang
 ra ring paumahan krama penyanding, prabea kausahaang baya punika
 anggung olih sane nundung taru punika.

- (9) Sang madrebe wit taru sane patut kaepet wiadin kapunggul, tan dados nulak pamargi adat sane sampun kasungkemin.
- (10) Tan dados ngepet taru ring karang druwen desa sadurung polih pituduh lan uwak-uwakan saking prajuru desa adat.

Kaping 3

Indik Wewangunan

Pawos 31

- (1) Sapasira ugi pacang ngawangun kaaptiang mangda nganutin daging Asta Bhumi miwah gegulak Asta Kosali.
- (2) Tan kadadosang makarya wawangunan ngererebin wiadin nyapcap ka pisaga, ka rurunge miwah ka margi agung.
- (3) Prade kantos wenten wawangunan tan manut ring kecaping inucap wenang kawara olih sane ngamatutang sakadi pisaga panyanding utawi prajuru banjar lan prajuru desa adat.
- (4) Sahananing barang sane pacang kaanggen ngawangun tan dados magenah ring rurung miwah margi langkungan ring arahina, sajawaning polih uwak-uwakan saking guru wisesa.
- (5) Sajawaning sang magama Hindu tan kapatutang ngawangun genah sembahyang ring Desa Adat Pancingan, sadurung polih uwak-uwakan saking prajuru desa.

Kaping 4

Indik Wawalungan

Pawos 32

- (1) Warga Desa Adat Pancingan sane miara wawalungan patut nabdabin manut pabuat.
- (2) Wawalungan sane ngusak, kengin kataban salanturnia kasadokang ring prajuru.
- (3) Wawalungan sane ngaletchin genah suci risampun kaparitas, sane nrebenang patut keni pamidanda manut pararem.
- (4) Tan kawenang ngangonang wiadin negulang wawalungan ring genah sakadi ring sor :
 - ha. Telajakan khayangan utawi banjar
 - na. Genah rawuhing pekarangan wewangunan desa
 - ca. Margi agung lan rurung-rurung
 - ra. Setra lan genah druwen desa.
- (5) Sapasira ugi tan kapatutang meburu, wiadin mademang paksi ring wawidangan Desa Adat Pancingan, sane mamurug keni pamidanda manut pararem, sejabaning polih uwak-uwakan saking prajuru.

Kaping 5

Indik Bhaya lan Dusta

Pawos 33

- (1) Sahananing laksana sane tan rahayu sane pacang ngawetuang pikobet, duhkita, duskertha ring warga utawi krama kasinanggeh bhaya :
- (2) Sane kasinanggeh bhaya luire :
- ha. Ripu bhaya : kaamuk, kabaak, kaplagandang.
 - na. Cara bhaya : kamalingan, karampok
 - ca. Geni bhaya : kapuwunan
 - ra. Toya bhaya : blabar, gentuh
 - ka. Bhayu bhaya : angin linus
 - da. Pertiwi bhaya : linuh, tanah longsor
 - ta. Jiwa Bhaya : buduh

Pawos 34

- (1) Warga desa sane katiban bhaya patut digelis matur supeksa ring prajuru utawi Guru Wisesa.
- (2) Warga desa sane uning ring wenten jadma sane malaksana dusta, wiadin sane mayanin patut digelis masadok ring prajuru banjar utawi prajuru desa muah Guru Wisesa.

- (3) Jadma sane katiban bhaya, sane sang katiben inucap wenang digelis nunas tulung utawi nyuarayang kulkul prade sida maka piuning ring krama siosan sane pacang mapitulung (manut pawos 24, angka 7, huruf ka).
- (4) Warga desa patut sayaga matatulung ring sang keni bhaya antuk makta babaktayan manut kawentenan bhaya .

Pawos 35

- (1) Ritakala masaserep, prade kamalingan patut nunas panguwak riin majeng prajuru banjar utawi desa.
- (2) Masaserep ring siosan banjar utawi desa patut kaenter olih prajuru banjar utawi desa kasarengin antuk Guru Wisesa muah prajuru banjar lan desa genahe maseserep.
- (3) Prajuru patut nuntun mangda pamargin saserepe nenten ngawinang duhkita.

Kaping 6

Indik Penyanggran Banjar

Pawos 36

- (1) Krama utawi warga banjar sane ngawentenang karya luire ; Dewa Yadnya, Manusa Yadnya, Pitra Yadnya muah karya sane siosan, kangkat nganggen prabot padruwen banjar, saha kapatut polih pangremba saking banjar manut pinunas.

- (2) Pamargin penyanggran banjar majeng ring sang madruwe karya, kapidabdabin manut pararem.

CATURTHAS SARGAH

SUKERTA TATA AGAMA

Palet I

Indik Dewa Yadnya

Pawos 37

- (1) Pura-pura sane wenten ring wawengkon Desa Adat Pancingan luire :
- ha. Pura Kahyangan Desa minakadi Pura Dalem, Pura puseh, Pura Segara lan Pura Prajapati.
 - na. Pura Dadya lan Paibon
- (2) Pura Dalem, Pura puseh lan Pura Segara kaemong tur kasanggra olih krama Desa Adat Pancingan manut dresta. Pura-pura sane siosan kaemong utawi kasungsong olih pengemponnia soang-soang.
- (3). Pura Prajapati kasungsong tur kasanggra olih tigang Desa adat, minakadi Desa Adat Tri Buana, Desa Adat Bias lan Desa Adat Pancingan.

Pawos 38

- (1) Ritatkala ngaturang piodalan ring Pura Dalem, Pura puseh lan Pura Segara Krama Desa Adat Pancingan patut keni saurah arih aci piodalan, sajawaning prajuru desa, prajuru banjar, muang krama desa sane polih luputan manut pararem banjar lan desa.
- (2) Rikala Ida Bhatara Pura Dalem, Pura Puseh lan Pura Segara makiyis ka sagara, sahananing Krama Desa Adat Pancingan mangda sareng ngiring, indik sane nyanggra Ida Bhatara wantah krama Banjar Pancingan.
- (3) Selami Ida Bhatara nyejer ring Pura Dalem lan Pura Segara krama Desa Adat Pancingan mangde ngaturang bakti, sejawaning sang kacuntakaan utawi kasebelan.

Pawos 39

- (1) Krama Desa patut nureksain mangda kasukertan kalih kasucian Pura sane wenten ring sawawengkon Desa Adat Pancingan tan keletehan.
- (2) Sane tan kalugra ngeranjing ring pura sekadi ring sor :
 - ha. Anak istri sane ngeraja sewala.
 - na. Anak istri madruwe oka sadurung mayusa enem sasih (aoton) sane lanang yening okane durung mayusa roras (12) raine.
 - ca. Sang alaki rabi sane madruwe oka seda sadurung kepus odel utawi sangkanin karuron, durung abulan pitung dina (42 hari) sakeng sada.
 - ra. Krama sateos maduwe kalayusekaran keni cuntaka tingang rahina sakeng mendem

- ka. Krama sane maduwe kalayusekaran, nepek ring tigang rahina sakeng mendem patut ngamargiang wawantenan prayascita sakeng Pura Puseh, Pura Sagara, rauhing Bale Banjar/Desa Adat Pancingan.
 - da. Wong edan/jadma buduh.
 - ta. Nenten ngangge busana adat manut tatujonnia, keangkat ngangge selempot (anteng) manut pararem.
 - sa. Sato ageng suku pat, sajawaning punika pacang kaanggen muputang yadnya manut pararem.
- (3) Ring sajeroning pura tan kalugra malaksana sekadi ring sor :
- ha. Mecikang wastra, mepetet, mapusung, mekutu, nyecepin anak alit.
 - na. Mesumpah nahar cor, sejawaning indike punika sampun pamutus pararem.
 - ca. Maujar ala, nemah lan mamisuh
 - ra. Mejajal, marebat, punapi malih ngantos medal rah.
 - ka. Mekoratan, mewarih sejawaning anak alit.
 - da. Sirep awor lanang istri napi malih masanggamania miwah sane siosan.
- (4) Yening wenten jadma ngelethin kayangan sekadi inucap patut keni pamidanda manut sastra agama
- (5) Yening wenten kayangan kadurmangalan, patut kaupakara manut sastra agama lan dresta.

Pawos 40

- (1) Satunggil Galungan utawi yadnya karya ageng utawi sangkaning wenten titah manut kabuatang, krama Desa Adat Pancingan patut makarya penjor.
- (2) Nancebang penjor Galungan kamargiang ring soang-soang telanjakan. Penjor nyanggra Karya Ageng katancebang manut paridadab krama desa.
- (3) Sang ngarusak penjor sadurung tutug sengker patut keni pamidanda manut pararem.
- (4) Penjor sampun tutug sengker wigunannyane, krama sane madruwe patut ngabut soang-soang.

Pawos 41

- (1) Ring soang-soang Kahyangan Desa Adat Pancingan patut kaadegang mangku.
- (2) Tata cara ngadegang mangku dudonannyane sakadi ring sor :
 - ha. Mawiwit saking katurunan mangku.
 - na. Malantaran antuk pamargi nyanjan.
 - ca. Malarapan sasudian olih krama Desa Adat utawi olih pengemong pura.
- (3) Sang calon mangku kadabdabin sekadi ring sor :
 - ha. Patut ngamargiang upacara pawintenan.
 - na. Urah-arih pawintenan patut kasanggra olih krama pangempon pura.

(4) Sane tan kawenang dados mangku luire :

ha. Sang kahanan cedangga.

na. Sang amumpang paraning laku.

ca. Sang tan kararemin olih krama panyungsung kadaŕarin antuk samudana sane pastika.

Pawos 42

(1) Swadharmaning mangku luire :

ha. Asewaka Dharma, astiti bhakti ring Ida sang Hyang Widhi.

na. Ngenterang, ngastawayang sahanan upakara utawi upacara ring pura genah ngayah soang-soang manut swadarma.

ca. Ngastawayang ritakala wenten krama pacang ngaturang punia, utawi nunas karahajengan ring pura.

(2) Rikala ngenter yadnya utawi piodalan ring Pura Kahyangan, mangku desa patut polih pangrombo saking mangku-mangku sane siosan lan pengayah.

(3) Prade jro mangku ngarep kapiambeng, tan prasida ngamargiang upacara ring pura, patut upacara punika kamargiang olih mangku sane linggihnia sawawa utawi mangku sane kasudi olih prajuru desa, utawi kalugrayang nuur padanda.

Pawos 43

(1) Kasukertan pamangku kamanggehang sakadi ring sor :

ha. Krama desa muang mangku desa sami pada ngutsahayang mangda mangku desane tan keni ujar ala, saha jro mangku nenten nglempasin swadharmaning kemangkuan.

na. Prade wenten mangku tiwal ring sesana, nyasar laku wenang lumaksana nyepuh raga ngangge prabea soang-soang sasampune kebawosin olih paruman desa.

ca. Prade ageng dosannia, nura cara, lempas ring sasananing mangku, wenang kausanang olih krama desa malarapan antuk paruman desa.

ra. Yening wenten sinalih tunggil krama desa kabuktiang maujar ala ngeletehin kasucian mangku, krama inucap keni pamidanda manut pararem.

Pawos 44

) Olih-olihan mangku luire :

ha. panyilihasihan manut pararem.

na. sasarin wawantenan pamedek sane kapupulang olih kasinoman.

ca. busana mangku arangsukan satunggil Purnama Kalima

Mangku seda tan wenang kapendem, lantur kaupakara pitra yadnya.

Prabeya katanggung olih pangempon pura genah mangku inucap.

Pawos 45

Mangu kagentosin malarapan sangkaning :

- ha. Seda
- na. Pinunas ngraga sangkaning tan prasida ngamargiang swadharmaning pamangku.
- ca. Kausanang olih krama utawi pangempon pura malarapan iwang pamargi sane mabuat manut panglokikan paruman.

Palet 2

Indik Rsi Yadnya

Pawos 46

- 1) Warga desa sane pacang madwijati patut masadok majeng prajuru desa, PHDI lan Guru Wisesa, tur nganutin papalihan pamargi manut dresta.
- 2) Prajuru patut nuntun warga desa nyinggihang pandita lan pinandita
- 3) Warga desa sane nunas pamuput yadnya utawi pamargi mapaiketan kauripan adat lan agama majeng Sulinggih patut eling ngamargian dresta.
- 4) Warga desa patut teleb nunas panugrahan majeng sulinggih miwah sang sujana mangda kasutreptian desane manut kecaping agama prasida kapanggih.

Palet 3

Indik Pitra Yadnya

Pawos 47

- (1) Sahananing upacara pamrateka majeng ring sang seda kabawos pitra yadnya.
- (2) Pidabdab pamargi ngalaksanayang Pitra Yadnya madasar sastra agama, saha tata cara sane sampun ketah kemargiang ring sajeroning Desa Adat Pancingan.

Pawos 48

- (1) Warga sane madruwe kalayusekaran patut masadok majeng kelihan banjar
- (2) Kelihan banjar nyupeksain rihin padewasan ring jero mangku, wawu nuduhang sapari indik pangupakaran sang seda.
- (3) Pidabdab pamendeman lan ngeseng sawa patut kamargian ring setra desa tur kemanggehang sekadi ring sor:
 - ha. Yening seda wus akupak utawi ketus untu patut nganutin padewasan pangutangan sawa makadi ring kecaping sastra agama manut dresta saha nunas panugrahan ring sang sulinggih.
 - na. Yening rare durung akupak kalugra mendem premangkin nenten ngantos padewasan.
 - ca. Genah mendem lan ngeseng sawa mangda ring setra ugi sajawaning layon sang maraga sulinggih.

- ra. Ritatkala mendem sawa, krama banjar mangda ngateh, nyarengin rawuh ring setra, ngantos sawane sampun kapendem.
- ka. Yening sawane pacang kageseng krama banjar ngaromba wiadin nyarengin jantos nganyut.

Pawos 49

Gagwat pamargi kamanggehang manut dresta sakadi ring sor :

- ha. Yening wenten warga seda, lintangan ring adiri ring raina nunggal, mamargi lan mamendem utawi ngeseng mangda sinarengan.
- na. Ring sang masetra tunggal, yen wenten krama pacang ngentas sawa utawi ngeseng sawa (ngaben), wenten taler sane pacang mendem sawa, patut pamendemane rihinan.

Pawos 50

(1) Mendem sawa utawi makingsan ring geni tan kangkat kamargiang ritatkala:

- ha. Wenten warga seda nemoning patirtaan. Prade nemuning patirtan, patirtaanne kemargiang dumun ngalantur nyineb.
- na. Sawane sane durung kapendem kapialang antuk dewasa, wenang krama banjar ngamargiang pagebagan.

- (2) Warga sane seda nemoning Purnama, Tilem, yening jaga mendem sawa, patut kamargiang sesampune Jro Mangku wusan ngaturang pasucian ring Pura Kahyangan Desa.

Pawos 51

- (1) Bacakan layon sane patut utawi tan patut kaabenang :
- ha. Kruron utawi padem sejeroning bobotan patut ngamargian ngwarak
 - na. Rare sane durung mayusa tigang sasih patut nglangkir
 - ca. Yan sampun mayusa tigang sasih ngantos sadurung ketus tan patut kaabenang, patut nglungah.
 - ra. Sawa sane sampun maketus rauh salantur nyane patut kaabenang maupacara weweg.
- (2) Warga seda tur pacang kaabenang kadadosang ngambil padewasan sajeroning pitung rahina ngawit sedania, nanging patut nganutin sang sulinggih sane pacang muput, tur tan mamurug rahina sane kalarang.
- (3) Seda salah pati, ngulah pati, prade sawan nyane pacang kaabenang patut karihinin antuk upacara ngulapin kalih penebusan.

Palet 4

Indik Manusa Yadnya

Pawos 52

(1) Manusa yadnya inggih punika dharmaning manusa ngawit saking patemuning kama bang kalawan kama petak sajeroning garbawasaning ibu kantos sadurung seda riwekas.

(2) Upacara Manusa Yadnya luire :

ha. Magedong –gedongan.

na. Tatkala rare wawu embas.

ca. Kepus udel utawi malepas awon.

ra. Tutug kambuhan.

ka. Rare mayusa tigang sasih

da. Rare mayusa nem sasih utawi aweton.

ta. Tutug kelih.

sa. Mapandes.

wa. Mawiwaha.

la. Mawinten.

(3) Upacara inucap ring ajeng kalaksanayang nganutin kecap sastra agama kanista, madya, utama, saha manut catur dresta.

Palet 5

Indik Bhuta Yadnya

Pawos 53

- (1) Bhuta Yadnya inggih punika upacara biyakala ring pertiwi lan kahyangan, sarwa prani makadi ring sarwa bhuta.
- (2) Tatujon Bhuta Yadnya inggih punika ngulati karahajengan bhuwana agung lan bhuwana alit sakala kalawan niskala malarapan antuk kayun suci nirmala anulus, miara muang ngupakara tur ngalanggengang karahajengan sarwa maurip.
- (3) Upacara Bhuta Yadnya sane marupa pacaruan nganutin daging kecap sastra agama, manut wigunannia tur kapastikayang olih sang sulinggih.

Pawos 54

- (1) Satunggil Tilem kasanga, riwus puput pamargin tawur ring Kabupaten, ring Desa Adat Pancingan kamargiang pacaruan manut dresta kalanturang antuk pangrupukan kamanggala antuk pamelastian manut pararem.
- (2) Ring rahina panyepian warga desa patut ngamargiang catur Brata Penyepian
- (3) Rikala rahina panyepian wenten pura sane patut katuran piodal, pamargi piodalan patut nganutin piteket saking PHDI kalih Guru Wisesa.
- (4) Prade wenten krama utawi warga keni kabrebehan, sungkan lan pikobet siosan rikala rahina panyepian patut polih laluputan manut pidabdab prajuru.

PANCAMAS SARGAH
SUKERTA TATA PAWONGAN

Palet 1

Indik Pawiwahan

Pawos 55

- (1) Pawiwahan inggih punika patemoning purusa lawan pradana malarapan panunggalan kayun sukacita kadulurin antuk upacara manut sastra agama saha upasaksi sekala niskala.
- (2) Pidabdab pawiwahan ring Desa Adat Pancingan majalaran pamargi kapurusa.
- (3) Pamargin pawiwahan wenten papalihan ipun sakadi :
 - ha. Papadikan
 - na. Ngrangkat utawi ngerorod
 - ca. Nyeburin
- (4) Gaguat sang pacang mawiwaha luire :
 - ha. Sampun mungguh daha wiadin teruna manut Undang –undang Perkawinan.
 - na. Pamargine sangkaning pada tresna asih.

- ca. Yening wenten ngambil jidma sios agama patut karibinin antuk upacara sudiwadani.
- ra. Indik urah-arih upacara sudiwadani, pamargine katunasang ring Jro Bendesa utawi ring PHDI.
- ka. Pamargin pawiwahan patut nganutin sastra agama saha nganutin daging Undang-Undang Perkawinan.

Pawos 56

(1) Pawiwahan ring Desa Adat Pancingan kabawos puput yening :

- ha. Pamargine sampun nganutin pidabdab pawiwahan ring Desa Adat sakadi ring ajeng.
- na. Sampun mawidhi widhana sanistania mabyakawon.
- ca. Kasaksinin olih Prajuru Adat miwah Prajuru Dinas.
- ra. Sampun munggah ring ilikita Desa Adat Pancingan miwah Dinas, saha ilikita sios sane kapatutang manut daging Undang –Undang Perkawinan.

(2) Yening wenten warga Desa Adat Pancingan sane magenah ring dura Desa Adat ngawentenang pawiwahan patut mangda masadok saha ngarauhang sewala patra ring prajuru banjar lan prajuru desa.

(3) Pawiwahan kabawos tan puput utawi tan sah prade :

- ha. Pamargine papaksaan utawi nenten sangkaning pada tresna.
- na. Tan paupasaksi.
- ca. Lempas ring kecap sastra agama lan Undang-Undang Perkawinan.

Pawos 57

Tata cara parabian ring Desa Adat Pancingan sakadi ring sor :

- ha. Guru rupaka utawi utusan sang pacang alaki rabi patut masadok majeng prajuru ngenenin pamargin parabiane.
- na. Pamargin papadikan madudonan sakadi ring sor :
 - Ngamargiang pasedek.
 - Pakrunan ping kalih luire : pawirasan lan pangambilan miwah matipat bantal.
 - Yening sampun pada tulus babawosan tur sampun pada anut,kawentenang pamuput ngangge cihna suaran kulkul utawi ngangge cihna siosan manut pamargi sane ketah.
 - Pamargin pawiwahan papadikan kangkat kalaksanayang nenten ngantosang wengi, sakewanten indik suaran kulkul patut kasuarayang ritatkala bebaosan sampun puput.
 - Sane wawu mawiwaha kangkat medal saking pakarangan sasampune tutug waneng tigang rahina, sesampune kekaryanang biyakawon.

- ca. Prade ngrangkat utawi ngerorod, sang sane ngrangkatang patut nganutin pamargi sakadi ring sor :
- Ngamargiang pacelek tan kasepan ring 3 jam tur kaenter olih prajuru desa utawi banjar.
 - Ngawentenang pamalaku utawi panglukuan kantos puput maduluran canang pangrawos, sedah lanjaran lan pajati tegep.
- ra. Yening sampun pada tulus utawi kaledangan, wargan sang wadon raris nunas ring prajuru banjar mangda nyuarayang kulkul banjar makacihna pamargin rangkate sampun puput.
- ka. Pinunas suaran kulkul pamuput wantah kangkat ritatkala sampun puput bebawosan kemargiang manut perareman.

Pawos 58

- (1) Yening wenten warga kaicalan oka istri, sang madruwe kapatutan patut masadok ring prajuru, ring Guru Wisesa saha nunas pitulung pacang masaserep.
- (2) Prajuru patut ngenterang pamargine masaserep mangda nganutin tata kasutreptian desa.

Pawos 59

- (1) Warga krama Desa Adat Pancingan sane lanang nenten kepatutang ngamaduang, sejabaning wenten uwak-uwakan saking istrinnyane nganutin daging Undang-Undang Perkawinan.

- (2) Yening wenten anak istri nenten alaki rabi mobot, patut wenten pasadok saking kepatutanyane majeng ring prajuru, ngalantur prajuru mawosang parindikan inucap.
- (3) Prade parindikan punika tan prasida kapuputang olih prajuru patut katurang ring Guru Wisesa sane wenang mawosin.
- (4) Yening wenten warga mamitra ngalang, krama punika kapidabdabin kadi ring sor :
- ha. Yan sane mamitra durung alaki rabi, kausahayang mangda digelis keperabiang.
- na. Yan sinalih tunggil utawi sami sampun alaki rabi, patut keni pamidanda manut pararem tur wicara inucap patut katurang ring Guru Wisesa.
- (5) Prade wenten sinalih tunggil krama utawi warga melaksana sanggama dudu miwah salah timpal sane kabawos ngawinang desane cemer, wenang katiwakin pamidanda manut pararem saha mrayascita desa manut kecap sastra agama, sang malaksana patut katur ring guru wisesa.

Palet 2

Indik Nyapihan

Pawos 60

- 1) Sang wusan marabian utawi palas tan sida anut satinut alaki rabi kabawos nyapihan.

- Yening wenten sinalih tunggil krama Desa Adat pacang nyapihan kelihan banjar utawi prajuru desa patut midabdabin mangda wicara punika tan sida lumaksana. Yang tan prasida olih kelihan lan prajuru ngutsahayang mangda adung malih, patut kasadokang wicarane ring Guru Wisesa.
- Kelihan lan prajuru adat saha dinas sadurung nyukserahang wicara inucap ring Guru Wisesa mangda makarya ilikita indik usaha sane sampun kapidadabin.
- Sang sane pacang nyapihan taler mangda nginutin daging awig-awig Desa Adat Pancingan muang Undang-Undang Perkawinan.

Pawos 61

- Yening wenten krama kabawos malikin somah, saantukan sampun ngamargiang pamargi nyapihan tur sampun kedambyakang ring banjar, krama punika keni pamidanda manut pararem ring banjar, tur ngamargiang widhi widhana.
- Nanging yan malih makayun adung alaki rabi sasampune sane istri polih marabian malih sareng anak lanang siosan, tur taler nyapihan, pamargi punika tan kabawos malikin somah. Sang asapunika patut ngamargiang pawidhi widhanan malih sakadi ngawit.

Pawos 62

- Balu luh sane katinggal seda olih lanangnyane utawi balu lanang sane pecak tryeburin, patut ngamargiang swadharma sekadi ring sor :

- ha. Ngamanggehang kapatibrataan, tan paradara, tan drati krama.
 - na. Ngamargiang ayah-ayahan krama manut awig-awig lan pararem.
 - ca. Ngraksa, nguasayang lan miara sentana, sahanan warisan lan paguna kaya.
 - ra. Kengin ngidih sentana yening sampun polih uwak-uwakan saking kulawarga purusa.
- (2) Balu sane kabaos tan pageh ring swadharmaning balu luire :
- ha. Matingkah drati krama.
 - na. Matilar tan pasadok langkung ring enam sasih
- (3) Balu sane tan pageh ring swadharmaning balu sekadi inucap ring ajeng prade kacihnayang manut tri pramana (Agama Pramana, Anumana Pramana, Pratyaksa Pramana) salah prawertinyane wenang katundung olih warga kapurusa saha tan polih pah-pahan warisan.
- (4) Prade wenten balu sane nenten madrebe sentana, sakewanten pageh ring swadharmaning balu, warga kapurusa tan wenang nundung tan pajalaran. Naler sang balu wenang polih pah-pahan pagunakaya.

Palet 3

Indik Sentana

Pawos 63

- (1) Sane kabawos sentana wenten kalih soroh luire :

- ha. Pretisentana inggih punika, sentana sane metu saking jalaran pawiwahan sane sah.
- na. Sentana Paperasan inggih punika, sentana sane majalaran antuk kaidih olih sang wenang ngidih saha maduluran upacara paperasan muang upasaksi sepatutnia
-) Dudonan pamargi sang sane meras sentana kamanggehang sakadi ring sor :
- ha. Mangda maadungan sareng para warisnyane kantos polih uwak-uwakan.
- na. Masadok ring prajuru sadurung upacara pamerasan punika kalaksanayang tur nunas upasaksi.
- ca. Ngamargiang upacara pamerasan kapuput antuk sang sulinggih tur kasaksinin olih prajuru banjar, prajuru Desa Adat muang dinas.

Pawos 64

-) Paperasan sane kapatutang ring Desa Adat Pancingan luire :
- ha. Sampun puput ngelaksanayang upacara pamerasan.
- na. Upacara punika kasaksinin olih Prajuru Adat, Prajuru Banjar lan Dinas.
- ca. Sampun munggah ring ilikita.
- 2) Sane patut karajegang sentana luire :
- ha. Mawit saking waris purusa, prade tan wenten kengin saking warga tunggal sanggah utawi merajan, wadon muang lanang siosan.

25/12/2020

- na. Durung marabian saha durung makrama banjar.
 ca. Warga sane maagama Hindu.
 ra. Meras sentana dados langkungan ring adiri, lanang wiadin wadon.
 (3) Sajeroning pamargi meras sentana tan kadadosang ngencak patus.

Pawos 65

- (1) Prade wenten krama Adat Pancingan ngawaliang sentana sane sampun sah kaperas, wenang krama inucap katiwakin pamidanda manut pararem banjar.
 (2) Mungguing arta brana pamerasan kamanggehang sakadi ring sor :
 ha. Yan sangkaning sang meras ngawaliang sang kaperas sekancan arta brana pamerasan manggeh katiba ring sang kaperas utawi sang pakidih.
 na. Yan pawalinia sangkaning pinunas sang kaperas, sahananing arta brana pamerasannia mawali weweg ring sang meras.

Palet 4

Indik Warisan

Pawos 66

- (1) Warisan inggih punika : sahananing tatamian arta brana saha ayah-ayahan ngupadi sukerta sakala lan niskala saking leluhurnyane arep ring sentananyane.

25/12/2020

- (2) Wawu kengin kabawos warisan prade wenten :
- ha. Sang nurunang (pawaris)
 - na. Keturunan (waris utawi ahli waris)
 - ca. Arta brana miwah tategenan utawi ayah-ayahan (warisan).
- (3) Sane sinanggeh warisan luire :
- ha. Duwe tengah makadi palaba pura, pustaka suci.
 - na. Pamrajan kamulan.
 - ca. Paguna kaya utang muang piutang.
- (4) Sane kabawos ahli waris inggih punika :
- ha. Kaping ajeng pretisentana purusa, sentana rajeg sane kaceburin lan sentana paperasan.
 - na. Papernahan ngunggahang lan ka samping makadi rarama, sameton, misan, di misan muah papernahan salanturnyane.
- (5) Sane pacang ngawaris patut kantung ngamanggehang agama Hindu.

Pawos 67

Swadharmaning waris utawi ahli waris :

- ha. Ngamargiang utawi nyeledihi ayah-ayahan pawaris.

25/12/2020

- na. Nyumakutayang pah-pahan arta brana warisan.
- ca. Ngupakara kahyangan mrajan utawi pura amongan pawaris.
- ra. Ngalaksanayang sahanan pitra yadnya pawaris lan leluhurnyane.
- ka. Nawurin sahanan utang-utang sane maduwe warisan.

Pawos 68

- (1) Warisan kengin kaepah olih sang patut ngawaris risampun swadharmaning ahli waris jangkep kalaksanayang.
- (2) Pah-pahan warisan patut mangda sadu arep ring sakatah ahli waris.
- (3) Yening tetinggalan guna kaya, pah-pahannyane taler kengin nganutin pasubhayan sane maduwe warisan sadaweg kantung mahurip.
- (4) Sentana rajeg polih pah-pahan pateh ring pah-pahan sentana purusa.
- (5) Sentana deha tua patut polih pah-pahan sakadi sentana purusa.
- (6) Sane tan patut polih pah-pahan warisan, sakewanten kengin muponin pah-pahan warisan sakadi ring sor :
 - ha. Sang mulih deha, mulih truna riantukan polih nyeburin lan kulawarga pecak kaperas riyantukan polih ninggal kedaton.
 - na. Balu luh utawi balu muani sane pecak nyeburin.
- (7) Sinalih tunggil sang ngawaris kadi kecap ring ajeng kengin tan polih pah-pahan prade :

- ha. Alpaka ring guru rupaka.
 - na. Nilar Agama Hindu.
 - ca. Sentana rajeg kesah mawiwaha, nyentana nyeburin, utawi kesah maperas, soang-soang kabawos ninggal kadaton.
- (8) Pawaris rikala kantong maurip kengin mapaweweh arep ring sentana, pinaka :
- ha. Jiwa dhana, tadtadan utawi bekel pinaka paweweh leleb ring ipianak sane kesah mawiwaha.
 - na. Pangupa jiwa, paweweh saking pawaris marupa pamupone kemaon.
 - ca. Pedum ngemong utawi pedum raksa, pah-pahan waris mangda pastika pawaris arep ring ahli waris.

Pawos 69

- (1) Prade sajeroning pakulawarga wenten sang sane ngawaris langkung ring adiri kapatutang :
- ha. Ngawentenang paigum indik pedum waris inucap.
 - na. Yening tan prasida igum wenang katunasang ring prajuru desa.
 - ca. Prade wenten taler tan terima ring panepas prajuru kengin nunasang pamutus ring Guru Wisesa.
- (2) Yan wenten pacang nunas tatimbangan ring prajuru desa, prajuru patut nitenin lelintih kala nibakang panepas sane kapatutang sakadi ring sor :
- ha. Sang sane ngawaris saking purusa.

25/12/2020

ha. Alpaka ring guru rupaka.

na. Nilar Agama Hindu.

ca. Sentana rajeg kesah mawiwaha, nyentana nyeburin, utawi kesah maperas, soang-soang kabawos ninggal kadaton.

(8) Pawaris rikala kantun maurip kengin mapaweweh arep ring sentana, pinaka :

ha. Jiwa dhana, tadtadan utawi bekel pinaka paweweh leleb ring ipianak sane kesah mawiwaha.

na. Pangupa jiwa, paweweh saking pawaris marupa pamupone kemaon.

ca. Pedum ngemong utawi pedum raksa, pah-pahan waris mangda pastika pawaris arep ring ahli waris.

Pawos 69

(1) Prade sajeroning pakulawarga wenten sang sane ngawaris langkung ring adiri kapatutang :

ha. Ngawentenang paigum indik pedum waris inucap.

na. Yening tan prasida igum wenang katunasang ring prajuru desa.

ca. Prade wenten taler tan terima ring panepas prajuru kengin nunasang pamutus ring Guru Wisesa.

(2) Yan wenten pacang nunas tatimbangan ring prajuru desa, prajuru patut nitenin lelintih kala nibakang panepas sane kapatutang sakadi ring sor :

ha. Sang sane ngawaris saking purusa.

25/12/2020

- na. Papernahan ka samping.
- ca. Yening tan wenten kadi inucap ring ajeng sahanan upakara padruwe pawaris kasukserahang ring desa.
- (3) Prade wenten kantos ngepah ayahan desa soang-soang ahli waris patut masadok ring prajuru desa tur sami katedunang ngamargiang ayahan krama ngarep.

SATHAS SARGAH

WICARA LAN PAMIDANDA

Palet 1

Indik Wicara

Pawos 70

- (1) Sane wenang mawosin makadi mutusang wicara ring desa inggih punika Prajuru Desa sinanggeh Kertha Desa :
- ha. Kelihan Banjar Pancingan.
- na. Bendesa Adat Pancingan.
- (2) Tata dudonan mawosin saha muputang wicara warga desa kadi ring sor :
- ha. Kaping ajeng kabawosin antuk kelihan banjar
- na. Tan cumpu ring penepas kelihan banjar katunasang ring panglingsir banjar.

25/12/2020

- ca. Panglingsir banjar utawi kerta banjar tan kacumpunin katedunang ring kertha desa.
- ra. Paruman banjar tan kanutin, kengin nunasang ring bendesa adat
- ka. Bendesa Adat tan prasida muputang katincapang ring panglingsir sinanggeh Kerta Desa.
- da. Prade taler pamatut panglingsir desa tan kacumpunin katunasang ring paruman desa, sinanggeh pamuput pamutus ring desa.

Pawos 71

- (1) Sahanan wicara mawiwit kacorahan sakaluire sinanggeh mamurug daging awig-awig, pasuara miwah pararem desa utawi banjar, prajuru desa patut digelis mawosin tan nyantos pasadok.
- (2) Sejaba wicara sekadi ring ajeng, patut nyantosang pasadok sang nunas bawos.
- (3) Panepas patut pastika nyantenang iwang patut malarapan Tri Premana (saksi, Lekita, bukti) miwah tan lempas ring Catur Dresta.

Palet 2

Indik Pemandanda

Pawos 72

- (1) Desa utawi banjar wenang niwakang pamidanda ring warga desa utawi banjar sane sisip.

- (2) Paniwak inucap kamargiang olih bendesa utawi kelihan banjar
- (3) Bacakan pamidanda luire :
- ha. Ayah-ayahan panukun kasisipan.
 - na. Danda arta (dosa, danda saha panikel-panikelnya miwah panikel -panikel urunan).
 - ca. Rarampagan.
 - ra. Kasepe kang.
 - ka. Kawusanang makrama kawaliang pipilnyane
 - da. Panyanggaskara.
- (4) Pamidanda sane katiwakang patut masor singgih ring kasisiane utamanya ngamanggehang kasudamalan desa.
- (5) Jinah utawi raja brana pamidanda, ngaranjing dados druwe desa utawi banjar.

Pawos 73

- (1) Krama sane langkung ring tigang paruman nglantur tan naur urunan miwah dedandan wenang karampag.
- (2) Rarampagan ngangge tata cara sekadi ring sor :
- ha. Kalaksanayang olih prajuru kasarengin antuk krama desa manut pararem.

25/12/2020

- na. Sang ngarampag saking darsana ngambil barang utawi nyawenin tanem tuwuh,akehnya manut ring utang sang karampag.
- ca. Prajuru miteketang mangda barang-barang sane karampag digelis katebus, masengker kalih sasih nyantos raine jagi pacang kaadol.
- ra. Tan ngenenin saluwir barang sane patut utamayang manut agama miwah mademang pangupa jiwa sang karampag.

Pawos 74

- (1) Prade sang karampag ngawara (ngalangin) pamargi inucap mawastu sampun tan nganutin awig-awig desa, wenang kasepekang.
- (2) Samalih yan purun taler ngalangin paridabdab kadi ring ajeng makudang-kudang pasangkepan kaicen patinget tan wenten pamargi sajawaning kawaliang pipilnyane (kawusanang makrama).
- (3) Pamidanda inucap ring ajeng mawasta puput risampun sang kakenenin :
 - ha. Nunas geng pangampura ring krama desa utawi banjar riantukan piwal ring pasubaya (pararem).
 - na. Nawur pangargan panguwak pasubaya duk pacang karampag kadulurin pamrayascita.

SAPTAMAS SARGAH

NGUWAH – NGUWUHIN AWIG-AWIG

Pawos 75

- (1) Nguwah-nguwuhin awig-awig desa puniki kamargiang paruman desa.
- (2) Paruman inucap mangda kadasarin antuk pakarsan krama Desa Adat yadiastun kamedalang antuk prajuru sinunggal wiadin sinarengin.

Pawos 76

- (1) Sakaluring sane wenten sadurungnya patut kaanutang daging awig-awig puniki kadulurin antuk pararem-pararem.
- (2) Sakaluring sane durung kabawos sajeroning awig-awig puniki patut kamargiang manut tata cara sane sampun ketah mamargi kadulurin antuk pararem-pararem.



ASTAMAS SARGAH

SAMAPTA

Pawos 77

- (1) Awig-awig puniki kawastanin Awig-awig Desa Adat Pancingan.
- (2) Awig-awig puniki kamargiang ngawit kaingkupin utawi kararemin.

Pawos 78

- (1) Awig-awig puniki kasungkemin ring paruman duk raine **Radite Wage Uye**,
29 November 2020
- (2) Awig-awig puniki kalinggatanganin olih Bendesa Adat, Kelihan Banjar, lan
kakukuhang olih Bupati Klungkung.
- (3) Luir sang ngalingga tanganin :

ha. Bendesa Adat Pancingan,



Dewa Nyoman Suastika

na. Kelihan Banjar Pancingan,



Dewa Putu Juliana

ca. Bupati Klungkung maka murdhaning pamikukuh

Tanggal : 28 Januari 2021

Reg. Nomor : 189 / 2 / HK / 2021

Bupati Klungkung,

